

Headline	Tabung Haji agih RM1.4j zakat untuk pendidikan		
MediaTitle	Utusan Malaysia		
Date	30 Oct 2013	Color	Full Color
Section	Ekonomi	Circulation	197,952
Page No	18	Readership	833,287
Language	Malay	ArticleSize	148 cm ²
Journalist	N/A	AdValue	RM 2,925
Frequency	Daily	PR Value	RM 8,775



Tabung Haji agih RM1.4j zakat untuk pendidikan

KUALA LUMPUR 29 Okt. - Lembaga Tabung Haji (TH) telah mengagihkan zakat pendidikan di bawah Tabung Iqra berjumlah RM1.4 juta kepada 2,958 pelajar yang kurang bernasib baik pada tahun ini.

Pengerusinya, Datuk Abdul Azeez Abdul Rahim berkata, projek Iqra merupakan salah satu program tanggungjawab sosial (CSR) TH yang menyasarkan pelajar-pelajar kurang berkemampuan di seluruh negara.

Katanya, sumbangan ini sebagai tanda keprihatinan pihak TH kepada golongan kurang bernasib baik di samping sebagai usaha menyokong program kerajaan dalam membangun serta melestarikan komuniti Islam di

negara ini.

"Sumbangan ini akan menjadi suntikan pendorong dan motivasi kepada pelajar untuk gigih berusaha menuntut ilmu dan menempa kecemerlangan di dalam bidang akademik.

"Pelajar-pelajar ini dapat menjadi pemangkin perubahan dalam meningkatkan taraf sosio ekonomi diri dan keluarga pada masa depan," katanya.

Beliau berkata demikian ketika ditemui pada majlis penyampaian sumbangan Projek Iqra bagi peringkat Wilayah Persekutuan Kuala Lumpur di Sekolah Menengah Kebangsaan Perempuan (P) Air Panas, Setapak di sini

hari ini.

Pada majlis tersebut, sebanyak 260 pelajar miskin dan kurang berkemampuan telah menerima sumbangan yang bernilai RM130,000.

Setiap pelajar terpilih telah menerima sumbangan zakat pendidikan berjumlah RM500 yang berupa kelengkapan sekolah dan wang tunai.

Sementara itu, seorang murid dari Sekolah Kebangsaan Setapak, Muhammad Najib Ibrahim, 11, berkata, dia gembira menerima sumbangan terbabit.

"Saya dapat beg sekolah dan kelengkapan untuk memulakan persekolahan tahun depan," ujarnya.



ABDUL AZEEZ ABDUL RAHIM